

JZU BOLNICA  
GRADIŠKA

Broj: 01-2253-9/20

Datum: 20.11.2020. god.

Na osnovu člana 64. stav 1. tačka a), člana 70. stava 1., 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 25. Statuta JZU Bolnice Gradiška, na Preporuku Komisije za javnu nabavku broj: 01-2253-8/20, od 20.11.2020. godine, u postupku javne nabavke robe - „Hirurške rukavice-sterilne“, v.d. direktor Bolnice je donio:

### **ODLUKU o izboru najpovoljnijeg ponuđača**

#### **Član 1.**

Prihvata se Preporuka Komisije za javne nabavke, broj: 01-2253-8/20, od 20.11.2020. godine i ugovor za javnu nabavku robe - „Hirurške rukavice-sterilne“ dodjeljuje se ponuđaču „Latex“ d.o.o. Cazin, za ukupno ponuđenu cijenu od 14.341,60 KM bez PDV-a, kao najbolje ocijenjenom ponuđaču. Cijena po paru hirurške rukavice iznosi 0,728KM.

#### **Član 2.**

Za izvršenje ove odluke zadužuje se i ovlašćuje Komisija za javne nabavke.

#### **Član 3.**

Ova odluka stupa na snagu danom donošenja i dostavlja se izabranom ponuđaču koji je jedini dostavio ponudu, u skladu sa članom 71. stav (2) Zakona o javnim nabavkama Bosne i Hercegovine.

### **Obrazloženje**

Postupak javne nabavke pokrenut je posebnom odlukom o pokretanju postupka javne nabavke broj: 01-2253-1/20, od 04.11.2020. godine.

Javna nabavka je sprovedena pregovaračkim postupkom bez objave obavještenja.

Procijenjena vrijednost javne nabavke bez PDV-a je 14.160,00 KM.

Komisija za javnu nabavku imenovana je Odlukom broj: 01-2253-2/20, od 04.11.2020. god.

Komisija za javnu nabavku dostavila je dana 20.11.2020. godine Zapisnik o pregovorima broj: 01-2253-7/20, od 20.11.2020. godine i preporuku o izboru najpovoljnijeg ponuđača broj: 01-2253-8/20, od 20.11.2020. godine, u postupku javne nabavke robe - „Hirurške rukavice-sterilne“.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih početnih ponuda 1;

- da je blagovremeno zaprimljena 1 početna ponuda;
- da nije bilo neblagovremeno zaprimljenih početnih ponuda
- da je ponuda ponuđača „Latex“ d.o.o. Cazin, prihvatljiva;
- da je ponuđena cijena predmetne nabavke 14.341,60 bez PDV-a.
- da je ponuđena cijena po paru hirurške rukavice 0,728 KM.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene sprovedenog postupka, direktor Bolnice nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: najniže cijene, odnosno njegova ponuda je jedina i prihvatljiva za ugovorni organ.

Iz navedenih razloga, primjenom člana 64. stav 1. tačka a) Zakona o javnim nabavkama Bosne i Hercegovine, te člana 25. Statuta JZU Bolnice Gradiška, odlučeno je kao u dispozitivu.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



v.d. Direktor Bolnice:  
Dodik, dr Rajko

Dostaviti:

1. Ponuđaču: „Latex“ d.o.o. Cazin

2. Arhiva